

光緒臨朐縣志卷之七

學校

國家建立學校作養人才設之師儒以壹其教資之廩膳以篤其志樹之聖賢以端其鵠惠之典籍以博其聞歲時考德行校文藝拔選登進辨材而官之其積分深者貢入太學榮以銓注至如家復其役官接以禮卽附名庠序皆得傲然自別於齊民凡所以重之如此豈徒然哉蓋期其修身明道出可以佐天子治萬民處亦可以化風俗敦尚仁讓也顧其末流士之自待往往異乎上之所期居恆講習不外科舉文字既不得志於有司則率偃蹇頽散無復

光緒臨朐縣志卷七

學校

反求修身明道之實以希榮始以廢學終克副乎士之稱者什曾不二三焉學校徧天下而人才日衰職是故歟職是故歟縣俗樸野士質實而愿其性姿固優然歎能致通顯里俗指相詬病容容者亦自謂於世無足重輕或且荒棄所業雜治農賈語其歸要不免於前者之弊茲爲詳學校之制俾共知尊孔氏之正學揚廣厲之大效

國家教澤致爲宏遠收育才之報非僅僅在科第卽士之所以自重者初不以窮達有損加焉絕希榮之念而勵其嚮學之心人才之生將於是瞻之作學校考

儒學在縣治東偏舊在城西南隅宋紹聖五年縣令李敬

移建於此縣尉黃顯有記宋末兵燬元中統中縣尹陳仲祥重建

至治中縣尹李善卿修有碑記在今學署前至正八年達魯花赤太

不華規拓地基廣袤十畝明代屢有增建舊志但言天順中卜令劉嘉靖

十年褚令寶萬歷中王令雲龍相繼增拓其見於昌國縣

則有陳安成化中則有劉環嘉靖中則有王家士

萬歷中則有陳幕崇禎中則有陳德政志皆不詳

國朝順治三年知縣童本胡康熙元年謝賜牧乾隆十年

陳錕嘉慶四年蔣清有碑記在大成門外相繼修屏牆面羊石街東

西列德配天地道冠古今坊北為櫺星門門內偏左有矮松一株高僅數

尺蔭方逕又北為泮池贊以甃上周護石闌深可又北為丈嘉植也五六尺無泉源四時長涸

大成門門外有古槐雷雨駭蝕腹枵然半裂而枝門內甬

柯新翠油然廟樹蕭穆交蔭此為最古矣

邑人神之無瘞坎燎鑪儀不具也東西為兩廡上為大

成殿楹極恭懸康熙二十三年

頌萬世師表額雍正三年

頌生民未有額乾隆三年

頌與天地參額道光三年

頌聖協時中額道光三十年

文宗頌德齊幃載額咸豐十一年

穆宗頌聖神天縱額

今上光緒七年

光緒臨縣志卷七 學校

頌斯文在茲額殿前為露臺臺東北隅有明山東巡撫陳鳳梧道統聖賢贊碑露

臺下東西巨碑二恭刻

聖祖御製至聖先師讚四配顏子曾子子思子孟子讚至聖

讚碑後有元至正重修學宮碑南列三碑一為國朝乾隆十年陳錕立一為康熙元年謝賜牧立一為明嘉靖三

十年王家士立四配讚右有元加大成封號碑南亦列重修學宮碑三一為康熙五十四年陶宣立一為明萬歷三

十四年陳慕立一為廟側有小門北出左曰禮門右曰義嘉靖十二年褚寶立

路由禮門東折為東庠門由義路西折為西庠門殿後石

鐫指南二字大逕尺為考棚兩翼及南北為明倫堂左卧

子夏山人王文翰書榮皆是皆銜堂北壁堂

碑明各一右明倫堂銘朱子撰元達魯花未太不華刻皆銜堂北壁堂

東西為時習日新二齋皆明緒寶建寶復建敬一亭於堂前萬歷三年苗淳然改建堂後

光緒臨縣志卷七 學校

三

東墀下有雍正時

諭旨考察生員優劣碑南為宋大觀聖作碑徽宗書李時雍摹寫逼真瘦金體碑額大觀聖

作之碑六字則蔡京筆也西巨碑恭刻乾隆二十三年頒

御製平定準噶爾告成太學文稍右為乾隆時

諭旨禁生監充當行戶莊長及免雜役碑又南為元堂後

為敬一亭亭後為尊經閣舊為希賢堂明萬由明倫堂後

東折而南百數十步為學門門內有西房三楹為點名廳屬考棚

崇聖祠在西庠門外名宦祠在戟門左 鄉賢祠在戟門

右 教諭宅舊志云在西廡之西久廢今居尊經閣下

訓導宅在尊經閣西舊志云訓導宅二一在啟聖祠左一

在西庠門右今率夷為庚矣

文廟崇祀孔子以四配十二哲配饗以先賢公孫氏以下七十九人先儒公羊氏以下六十七人從祀

四配位次東配復聖顏子漢永平十五年祀七十二弟子顏子位第一魏晉祀孔子均以

顏子配唐貞觀二年以宋大觀二年從祀述聖子思子平三年升列哲位

孔子為先聖顏子配饗西配宗聖曾子唐開元八年從祀宋成淳三年配饗亞聖孟子宋元豐七

年配以上配位宋以前皆稱封爵元至順元年贈顏子充

國復聖公會于邾國宗聖公子思子沂國述聖公孟子鄒

國亞聖公明嘉靖九年改稱復聖顏子宗聖曾子述聖子

思子亞聖孟子

光緒臨縣志卷七學校

四

國朝因之

十二哲位次東哲先賢閔子冉子端木子仲子皆唐開元八年從祀

卜子唐貞觀二十一年以經師從有子唐開元八年從祀國朝乾隆三年

升列西哲先賢冉子宰子冉子言子皆唐開元八年從祀顏孫子唐

元八年從祀宋咸康三年升列哲位朱子宋清祐元年從祀國朝以上哲

位宋以前皆稱封爵明嘉靖九年改稱先賢某子

國朝因之有子朱子升列哲位從一例

兩廡位次東廡先賢公孫僑咸豐七年從祀原林放雍正

復祀原西廡原憲南宮适商瞿漆雕開司馬耕梁鱸冉孺

伯虔冉季漆雕徒父漆雕哆公西赤任不齊公良孺公肩

定鄭單罕父黑榮旂左人郢鄭國原亢廉潔叔仲會公西

與如邾巽陳亢琴張步叔乘秦非顏會以上皆唐開元顏

何從祀同上明嘉靖九年罷縣直牧皮原西廡今樂正克

萬章以上皆雍正周敦頤程顥皆宋淳祐邵雍宋咸淳三

西廡先賢遺唐開元二十七年從祀明嘉靖九年改祀

西廡以其卒唐開元二十七年從祀明嘉靖九年改祀

後於公孫僑唐開元二十七年從祀明嘉靖九年改祀

高柴樊須商澤巫馬施顏辛曹卹公孫龍秦南顏高壤駟

赤石作蜀公夏首后處奚容蒧顏祖句并疆秦祖縣成公

祖句茲燕伋樂欬狄黑孔忠公西蒧顏之僕施之常申棖

以上皆唐開元唐貞觀二十一秦冉唐開元二十

二十七年從祀左邱明唐貞觀二十一秦冉唐開元二十

嘉靖九年罷國公明儀咸豐三年從祀原公都子公孫

朝雍正二年復祀東廡今移西廡以上先賢位次宋以前

丑皆雍正二張載程頤皆宋淳祐以上先賢位次宋以前

從祀者皆稱封爵明嘉靖九年改稱先賢某子周張程邵

五子嘉靖時稱先儒崇禎十五年改稱先賢位在七十子

之下漢唐諸儒之上

國朝均稱先賢不稱子

東廡先儒公羊高伏勝皆唐貞觀二毛亨同治二孔安國

唐貞觀二十一年從許慎光緒二后蒼明嘉靖九鄭康成

光緒臨縣志卷七 學校

改稱先儒某子

國朝稱先儒不稱子

按舊志成於康熙十一年其時兩廡位次仍沿明舊制是勵賢崇化祀典迭加釐正康熙朝增祀一人升列哲位一人雍正朝復祀六人增祀二十人乾隆朝復祀一人升列哲位一人道光朝增祀七人咸豐朝增祀六人同治朝增祀二人光緒七年以前增祀六人至位次東西稍有移易則同治二年禮臣奉 詔旨議定者今

悉遵禮部頒行本敘列同治二年以後增祀諸儒亦按時代列入釐然秩然俾覽者有可考證又按既祀復罷

光緒臨縣志卷七

學校

七

者歷代凡十有一人公伯寮以讒子路黜荀況以言性惡黜劉向以誦神仙方術黜揚雄以事莽黜賈逵以附會圖讖黜戴聖以賊吏黜馬融以貪濁附勢黜何休以黜周王魯黜王肅以黨司馬篡魏黜杜預以黨貴建短喪黜王弼以宗旨老莊清談誤國黜公伯寮行事不概見他皆著書立說有功經傳然行誼或虧得罪名教存其言不復重其人附錄於此有志聖賢者何去何從宜知所自處已

崇聖祠崇祀孔子五代肇聖王木金父公裕聖王祈父公
詒聖王防叔公昌聖王伯夏公啟聖王叔梁公

明嘉靖九年立啟聖

祠祀叔梁公國朝雍正二年加封先師五世王爵始改啟聖祠為崇聖祠東配先賢孔氏孟

皮國朝咸豐七年顏氏無繇孔氏鯉西配曾氏皙孟孫氏激明皆

嘉靖九年以先儒周氏輔成明萬曆二年程氏垌蔡氏元定嘉靖九年從

祀東廡先儒張氏迪國朝雍正二年朱氏松明嘉靖九年從祀西廡

每歲春秋上下知縣官釋奠於先師典史官分獻教諭訓

導官監禮生員贊引執事登降之儀官士所習茲不詳詳

禮器詳樂章

至聖先師孔子位前帛一牛一豕一豕一盞一鉶二簠簋各二邊豆各十尊一爵三盞一盞二四配位前各帛一羊一豕一鉶二簠簋各二邊豆各八爵三盞一盞二東西各

光緒臨縣志卷七

學校

八

尊一十二哲位前各帛一鉶一簠簋各一邊豆各四爵三

東西各羊一豕一尊一盞一盞二兩廡二位共一案每位

前爵一每案簠簋各一邊豆各四東西各羊三豕三尊三

統設香案每案帛一爵三盞一盞二牲載於俎帛正位四

配異籠十二哲東西共籠尊實酒疏布冪勺具

崇聖祠正位前各帛一羊一豕一鉶二簠簋各二邊豆各

八爵三尊一盞一盞二五配各帛一簠簋各一邊豆各四

爵三東西各羊一豕一尊一盞一盞二兩廡東二案西一

案均簠簋各一邊豆各四每位爵一東西各帛一羊一豕

一尊一盞一盞二俎籠冪勺具

樂器凡祭先期陳於殿外階上編鐘十六在東編磬十六在西懸以筍篋設建鼓一於鐘懸之次左祝一笙三搏拊一西嚮右敔一笙三搏拊一東嚮東西分列琴六瑟四排簫二簞六篴六壎二篪四均北嚮足鼓楹鼓同節設編磬之西北向鼗鼓相鼓與搏拊同節設搏拊之下東西相向

按會典不載搏鐘特磬設懸之次助儀糾謬集云搏鐘在編鐘東持磬在編磬西但其下之序與會典不同亦與闕里文獻考所載互異茲謹遵會典云

文舞六佾籥翟各三十六舞列中道之東西退則立於樂懸之東西引樂之器曰麾引舞之器曰節麾一在祝北節二在東西兩階舞生之前中和韶樂八章春以夾鍾為宮秋以南呂為宮樂曲曰平

光緒臨晉縣志卷七 學校

九

迎神奏昭平之章曰大哉孔子先覺先知與天地參萬世之師祥徵麟紱韻答金絲日月既揭乾坤清夷初獻奏宣平之章曰予懷明德玉振金聲生民未有展也大成俎豆千古春秋上丁清酒既載其香始升

舞有亞獻奏秩平之章曰式禮莫愆升堂再獻響協鼓鏞誠孚囂齋肅肅融融譽

髦斯彥禮陶樂淑相觀而善

舞有終獻奏敘平之章曰自古在昔先民有作皮弁祭菜於論思樂惟天矜民惟聖時若彝倫攸敘至今木鐸

舞有

徹饌奏懿平之章曰先師有言祭則受福四海鬻宮疇敢不肅禮成告徹毋疏毋瀆樂所自生中原有菽送神奏德平之章曰鳧繹峩峩沫泗洋洋景

行行止流澤無疆聿昭祀事祀事孔明化我蒸民育我膠
庠

以上各制諸縣從同他志故多不載山邑荒僻禮器之
缺乏多矣就學官移交數目其祭器之現存者僅帛篚
九銅爵七十三豆十四簋六十樂器之現存者僅祝一
排簫二編鐘十六編磬十六物之不備禮於何存殘遺
缺俎殆同嬉設至如弦歌干揚樂以和禮之義缺焉弗
講者不知凡幾十年故士有壯歲趨踰訖於白首詢以
法物之燦陳聲容之盛著猶復如墮雲霧哆口茫然將
典禮之謂何矣延福每舉行祀事目睹壞敝慨然傷之

光緒臨縣志卷七

學校

十

乃謹遵 大清會典并采闕里文獻之制捐俸修製祭
器樂器粗爲完整其樂章則取文廟丁祭譜遴諸生之
解音律者俾共演授舞生四十名由學官詳學憲取足
如額以時習其進抑退揚之節惟樂典久廢肄習非易
登歌舞羽秩然煥然之觀未易期之倉卒茲備書其端
末用志舉廢之難且諗來者儻由是兢兢焉相率以職
守稽察爲任歲月日新庶幾益臻明備乎延福謹識

聖

諭廣訓 一本

朋黨訓 二本

御製訓飭士子文 一本

上

諭 二十四本

上諭 一本

學政全書 一本

明史 一百二十
本存缺一

本 欽定四書文二十二本存 上諭二部共二十本存五本 周

易折中二部共十九本 詩經傳說二部共三十六本今存一部 書經

傳說二部共二十四本今存六本 春秋傳說二部共二十本今存十八本 性理

精義二部共十二本 名教罪人書二本今存一本 律例十四本今存十三本

督捕則例二本存 御製論二本 學政全書十二本 樂譜三本

御製講章附一本 大學衍義二部共十六本 欽定學政全書

十六本 存八本 聖諭廣訓韻文一本 又平定回部碑文 平定兩

金川碑文 訓飭士子碑文書凡二十二部碑文凡三幅

今缺逸過半矣 學額順治朝十二名歲考科考同康熙十五年減去九名

光緒臨縣志卷七 學校 七 士

二十年復舊額同治九年廣為十五名以軍興地方捐貲

學額各三名并廣一 廩額二十名增額二十名每三年貢

次文武學額各三名 二人武生十五名。儒童歲科試

樂舞生康熙五十八年設乾隆五年定每縣四十人以三

十六人樂舞餘四人備臨時更替其例童生免府縣兩試

由教官冊送敘入考案之後其始亦由廩保甘結以四書

學政憑文錄進雖經入學毋庸開缺 生員免其錄遺附案

鄉試 射圃久廢無迹舊志云在學門前東偏南北九十二步東

西九步計地二畝一分九釐二毫今為民居按傅氏昌國

餘隍已云萬歷中知縣彭宗旺捐與貧士孫傳後等為書舍後皆為民居則其湮失又不自康熙時始矣舊志詳載四至云東至孟緒牆腳下西至許科孟繡牆腳下北至官街中心西邊長拐一段南北長九十八步北口七步中口八步南口七步一尺東邊短拐一段南北長四十一步東西口闊九步歲月荒遠廢宅成墟間有存者亦不知更易幾姓按迹考索祇益茫然附錄於此聊志墮聞而已

學地東一段東至城南至課間相公宅西至周巨川宅北至官宅西一段東至學南至民居西至蕭瑞卿宅北至獄牆昌國餘隍云成化中買學地九段買閣讓宅地東西五十尺南北二十八尺價銀四兩買閣珉宅地價銀五兩為今西耳房買蘇珉宅地東西五十二尺價銀二兩買油雲地價銀十二兩為今庠門入路買蘇占地為今西齋房買王昇宅銀二兩買轟代宅銀二兩為今西庠門隙地買王總地李果園地為今西官宅隙地舊志未詳故采而附

光緒歸縣志卷七

學校

土

誌

學田一在夫召社靈山下村田共二頃一十畝元時置至五年學田記云靈山山地貳頃餘壹段一頃二十畝餘東至小道南至官荒地山西至水口北至水泉取直為界一段靈山西北八十畝餘東至官荒地南至水口西至峯堆北至小道有碑在明倫堂西壁記又云一續撥城郭周圍壕塹地舊志采列以今存四十畝其非制故從刪落

一在時村社地三畝始置不詳咸豐元年被水沖沒咸豐四年教諭李瀛琳移交冊內云爾

一在趙疇社明崇禎七年按院王道純買民陳三表地二頃三十五畝五分昌國餘隍作二頃三十畝二分四釐五毫價銀三百兩餘隍作二十兩後為村民侵占知府張文衡使屬諸貧士五錢一分八釐

遂爲贍士田今聽貧士分種有極貧次貧之分各以六人爲斷身歿則已子孫不得據爲恆產補額授地其事仍由學官主之

學倉明景泰二年知縣陳安建成化二年改益教諭宅後遂無復建者

書院義塾考棚附

胸陽書院在縣治南嘉慶十二年知縣黃思彥率邑人醵金倡立咸豐元年知縣張心廉同治十年知縣何維莖相繼修室宇湫隘齋舍不備光緒八年拓院東廢圍建重屋五楹爲講舍南爲廳事帶以迴廊西有小舍軒懸明徹荷

光緒臨縣志卷七 學校

三

池竹園適藏修游息之宜規模爲粗具矣

西山書院在縣署南今廢爲平地基址猶存

舊志有胸山書院在儒林坊南明嘉靖十年知縣精寶

建四明陸欽有記其文曰臨胸當青齊萬山中地僻而何化之陸子曰古道之不復其諸性真之亡乎今天下士習華而飾也幾於爲矣不患其失之僻而陋巧而競也幾於市矣不患其失之樸而野頽而惛也幾於靡矣不患其失之麤而曠也是故僻陋者敦龐之化基焉樸野者醇篤之行興焉麤曠者剛毅之守出焉斯天地之正氣而人之成之豈繫乎其地哉嘉靖壬辰余視學山東按青州集諸屬邑士試之則胸之士多少銳而穎異視諸邑爲獨盛余始異之曰孰謂胸無士哉既乃進諸士子詢焉僉曰胸令褚君寶來興學起廢治先教化又以儲材在學校而蒙養必先小學乃倣古社塾遺意創書院於邑城中前爲蒙正堂三楹後爲景賢堂五楹翼以書舍十六楹環以左右塾八楹於是選民間之秀彥

立塾師以教之朝鐘暮鼓聚散惟時辨方書正句讀吟詩習禮考論名物器數居處慎其與長幼明其節勤惰示其懲勸今雖日事案牘不暇給稍閒輒與諸生督課時校藝而進之右塾升之左塾升之堂升之堂者以需進於庠校於是邑之士咸觀感而嚮化余作而歎曰褚君豈不誠賢令哉達教本矣越明年癸巳巡按御史蒞莊方公按胸重為嘉獎遂扁其門曰胸山書院云嗟乎今書院之設遍山左然未聞以小學為教者易之蒙曰山下出泉蒙君子以果行育德言導之漸也記曰禁於未發之謂豫言辨之微也道之漸則本立辨之微則幾審所以遏淫邪防逸欲而正聖功成自茲始余故謂褚君之達教本也且夫天地之氣滄而未漓則積之必厚而發之也弘蓄而未洩則觸之必暢而出之也奇譬之荒江大澤之濱斥鹵不稼開闢而播種之種陸芄芄然生矣童山濯濯一旦培之水土樹之嘉木不數年可以棟明堂扶大廈人才之盛衰豈異是哉夫胸固山川之聚也其秀靈清淑磅礴鬱積歷數千百年而未嘗有鍾於人者尚翕然疑也今茲多士浸淫道化刻勸磨淬而日趨於仁義禮樂者又淳然奮也得無所謂高而未漓蓋而未洩者乎諸士子勗哉毋負良有司之意幼養而壯

光緒臨縣志卷七

學校

齒

立以衍敦龐之化以樹篤實之行以存剛毅之守胸之俊髦將彬彬然輩出發之弘而出之奇矣諸士子勗哉後廢為訓導宅又府志有李公書院在縣治西南唐李靖讀書處今莫可考矣

義塾南北關各一 學俸官給每歲每塾制錢三十千舍宇未立塾師假民屋以教學徒來去不常 具文而已

舊志載社學三一在文曲巷明知縣吳應宿初建一在五井一在冶源褚寶王家士相繼修建并云今廢蓋自其時已鞠為茂草矣流風善政邈不可溯附志其名以動流連於後人也

考棚在明倫堂前東西各十間南六間嘉慶十二年邑人朱

良謨馬駿龍各捐錢三千緡勸立

光緒臨朐縣志卷七

學校

五

光緒臨朐縣志卷之七終